





七言絕句卷之四

唐詩品彙四十九

新寧高棟編

接武上之一

劉長卿

昭陽曲

昨夜承恩宿未央  
羅衣猶帶御爐香  
芙蓉帳小雲屏  
暗揚柳風多水殿涼

重送裴郎中貶吉州

猿啼客散莫江頭  
人自傷心水自流  
同作逐臣君更  
遠青山萬里一孤舟



七里灘送嚴維

秋江渺渺水空波  
越客孤舟欲傍歌  
手折垂楊悲老大  
故人零落已無多

送李判官之潤州行營

萬里辭家事  
鼓鼙金陵驛  
路楚雲西江春  
不肯留行  
客草色青青送馬蹄

送劉萱之道州謁崔大夫

沅水悠悠湘水春  
臨岐一望一沾巾  
信陵門下三千  
客君到長沙見幾人

瓜州驛重送梁郎中赴吉州

渺渺雲山去幾重  
依依獨聽廣陵鐘  
明朝借問南來  
客五馬雙旌何處逢

重送道標上人

衡陽千里去人稀  
遙逐孤雲入翠微  
春草青青新覆  
地深山無路若為歸

寄許尊師

獨上雲梯入翠微  
濛濛烟雨映岩扉  
世人知在中峰  
裏遙禮青山恨不歸

寄別朱拾遺

天書遠召滄浪客  
幾度臨岐病未能  
江海茫茫春欲



遍行人一騎發金陵

贈秦系

向風長嘯戴紗巾  
野鶴由來不可親  
明日東歸變名姓  
五湖烟水覓何人

使還七里灘上逢薛承規赴江西貶

遷客歸人醉晚寒  
孤舟暫泊子陵灘  
憐君更去三千里  
落日青山江上看

贈崔九

憐君一見一悲歌  
歲歲無如老去何  
白屋漸看秋草  
沒青雲莫道故人多

酬李穆見寄

孤舟相訪至天涯  
萬轉雲山路更賒  
欲掃紫門迎遠客  
青苔黃葉滿貧家

劉後附詩語云魏野林逋不能及也

過鄭山人所居

寂寂孤鶯啼杏園  
寥寥一犬吠桃源  
落花芳草無尋處  
萬壑千峰獨閉門

尋盛禪師蘭若

秋草黃花覆古阡  
隔林何處起人烟  
山僧獨在山中  
老唯有寒松見少年

劉云婆娑

奉使鄂渚至烏江道中



滄洲不復戀漁竿  
白髮那堪帶鐵冠  
客路向南何處  
是蘆花十里雪漫漫

新息道中

蕭條獨向汝南行  
客路多逢漢騎營  
草木蒼蒼離亂  
後幾家同住一孤城

家園瓜熟是故蕭相公所遺  
瓜種悽然感  
舊因賦此詩

事去人亡跡自留  
黃花綠帶不勝愁  
誰能更向青門  
外秋草茫茫覓故侯

錢起

校獵曲

長楊殺氣連雲飛  
漢主秋畋正掩圍  
重門日晏紅塵  
出數騎胡人獵獸歸

過故洛城

故城門前春日斜  
故城門裏無人家  
市朝欲認不知  
處漠漠野田空草花

歸鴈

瀟湘何事等閑回  
水碧沙明兩岸苔  
二十五絃彈夜  
月不勝清怨却飛來

訪李卿不遇



畫戟朱樓映晚霞，高門寒柳度飛鴉。  
門前不見歸軒至，城上愁看落日斜。

暮春歸故山草堂

谷口春殘黃鳥稀，辛夷花盡杏花飛。  
始憐幽竹山窗下，不改清陰待我歸。  
謝疊山云：春光欲盡，鶯老花殘，獨山窗幽竹不改清陰，如待主人之歸。此與歲寒然後知松栢之後凋之意同。

送歐陽子還江華郡

江華勝事接湘濱，千里湖山入興新。  
才子思歸催去棹，汀花且為駐殘春。

送崔山人歸山

東山殘雨掛斜暉，野客巢由指翠微。  
別酒稍酣乘興去，知君不羨白雲歸。

秋夜送趙冽歸襄陽

斗酒忘言良夜深，紅萱露滴鵲驚林。  
欲知別後思今少，漢水東流是寸心。

題禮上人壁畫山水

連山畫出映禪扉，粉壁香筵滿翠微。  
坐來爐氣縈空散，共指晴雲向嶺歸。

晚過橫灞寄張藍田

亂水東流落照時，黃花滿徑客行遲。  
林端忽見南山



色馬上還吟陶令詩

常應物

登樓寄王卿

踏閣攀林恨不同楚雲滄海思無窮  
數家砧杵秋山下  
一郡荆榛寒雨中

劉云高視城邑占復如此開合野興甚濃正是絕意復增兩聯

登寶意寺上方舊遊

翠嶺香臺出半天萬家烟樹滿晴川  
諸僧近住不相

識坐聽微鐘記往年

劉云凡語言天趣皆實歷天趣者雖有味亦短

寒食寄京師諸弟

雨中禁火空齋冷江上流鶯獨坐聽  
把酒看花想諸

弟杜陵寒食草青青

縣內閑居贈溫公

滿郭春風嵐已昏鴉栖吏散掩重門  
雖居世網常清淨夜對高僧無一言

賦得沙際路送從叔象

獨樹沙邊人跡稀欲行愁遠暮鐘時  
野泉幾處侵應盡不遇山僧知問誰

九日

今朝把酒復惆悵憶在杜陵田舍時  
明年九日知何



處世難還家未有期劉云可悲隔世與余同患

荅東林道士

紫閣西邊第幾峰  
茅齋夜雪虎行蹤  
遙看黛色知何處  
欲出山門尋暮鐘

閑居寄人

山明野寺曉鐘微  
雪滿幽林人跡稀  
閑居寥落生高興  
無事風塵獨不歸

春思

野花如雪繞江城  
坐見年芳憶帝京  
閨闔曉聞疑碧樹  
曾陪鴛鴦聽流鶯

滁州西澗

獨憐幽草澗邊生  
上有黃鸝深樹鳴  
春潮帶雨晚來急  
野渡無人舟自橫

歐陽子云滁州城西一澗水極淺不勝舟又江潮不到豈詩人務在佳句而實無此景耶○謝疊山云幽草黃鸝比君子在野小人在位春潮帶雨晚來急乃季世危難多如日之已晚不復光明也未向謂寬閑寂寞之濱必有賢人如孤舟之橫渡者特君不能用耳此詩人感時多故而作又何必澗之果如是也○劉云此語自好但菜公體出數字神情又別故貴知言不然不免為野人語矣好詩必是拾得此絕先得後半起更難似故知作者用心

子規啼

高林滴露夏夜清  
南山子規啼一聲  
隣家孀婦抱兒



泣我獨展轉何為情

因省風俗訪道士姪不見題壁

去年澗水今亦流去年杏花今又折  
山人歸來問是誰還是去年行春客

皇甫冉

送魏十六還蘇州

秋夜沉沉此送君陰虫切切不堪聞  
歸舟明日毗陵道回首姑蘇是白雲

同李萬晚望南岳寺懷普門上人

釋子身心無垢紛獨將衣鉢去  
人群相思晚望松林

寺唯有鐘磬出白雲

魯山送別

淒淒遊子若飄蓬明月清樽祇暫同  
南望千山如黛色愁君客路在其中

送陸邃潛夫  
得文字

何事千年遇聖君坐令雙鬢老如雲  
南行更入深山舊岐路悠悠水自分

寄振上人無碍寺所居

戀親時見住人群多在青山就白雲  
獨坐焚香誦經處深山古寺雪紛紛



送陸澧郭郎

纔見吳洲百草春已聞燕鴈一聲新  
秋風何處催年急偏逐山行水宿人

酬張繼

悵望南徐登北固迢迢西塞望東關  
落日臨川問音信寒潮唯帶夕陽還

赴李少府莊失路

君家南郭白雲連正待情人弄石泉  
月照烟花迷客路蒼蒼何處是伊川

韓翃

漢宮曲

五柞宮中過臈看萬年枝上雪花殘  
綺窓夜閉玉堂靜素綆朝穿金井寒

漢室長陵小市中珠簾繡戶對春風  
君王昨日移仙仗玉輦將迎入漢宮

江南曲

長樂花枝雨點銷江城日暮好相邀  
青樓不閉歲華隳鎖綠水迴通宛轉橋

看調馬

鴛鴦赭白齒新齊晚日花中散碧蹄  
玉勒斗迴初噴



沫金鞭欲下不成嘶

寒食

春城無處不飛花寒食東風御柳斜日暮漢宮傳蠟

燭輕烟散入五侯家

唐史遺事云德宗時制誥關人上批曰與韓翃時有同姓名者

中書再具二人同進上書翃寒食詩末批云與此韓翃

送客知鄂州

江口千家帶楚雲江花亂點雪紛紛春風落日誰相見青翰舟中有鄂君

宿石巴山中

浮雲不共此山齊山靄蒼蒼望轉迷曉月暫飛千樹

裏秋河隔在數峰西

贈張千牛

蓬萊闕下是天家上路新迴白鼻騮急管書催平樂酒春衣夜宿杜陵花

題玉真觀李秘書院

白雲斜日影深松玉宇瑤壇知幾重把酒題詩人散後華陽洞裏有疎鐘

送客貶五溪

南過猿聲一逐臣迴看秋草淚沾巾寒天暮雨空山裏幾處蠻家是主人



送齊山人歸長白山

舊事山人白兔公，掉頭歸去又乘風。  
柴門流水依然在一路，寒山萬木中。

盧綸

宮中樂

一作天長  
地久詞

臺殿雲涼秋色微，君王初賜六宮衣。  
樓船泛罷歸猶早，行遣才人鬪射飛。

雲日呈祥禮物殊，彤庭生獻五單于。  
塞垣萬里無飛鳥，可是邊城用郅都。

曲江春望

菖蒲翻葉柳交枝，暗上蓮舟鳥不知。  
更到蘆花最深處，玉樓金殿影參差。

春日有懷

桃李風多日欲陰，伯勞飛處落花深。  
貧居靜久難逢信，知隔春山不可尋。

與從弟同下第出關言別二首

雜花飛盡柳陰陰，官路逶迤綠草深。  
對酒已成千里客，望山空寄兩鄉心。

出關愁暮一沾裳，滿墅蓬生古戰場。  
孤村樹色昏殘雨，遠寺鐘聲帶夕陽。



村南逢病叟

雙膝過頤頂在肩  
四隣知姓不知年  
卧驅烏雀惜禾黍  
猶恐諸孫無社錢

赴虢州留別故人

世故相逢各未閑  
百年多在別離間  
昨夜秋風今夜雨  
不知何處入空山

山店

登登山路何時盡  
泱泱溪流到處聞  
風動葉聲山犬吠  
幾家松火隔秋雲

別李紛

頭白乘驢懸布裳  
一聞言別淚千行  
兒孫滿限無歸處  
惟到樽前是故鄉

七言絕句卷之四

唐詩品彙四十九



七言絕句卷之五

唐詩品彙五十

新寧高棟編

接武<sub>上之</sub>

劉方平

栖鳥曲

畫舸雙艚錦為纜芙蓉花發蓮葉暗門前月色映橫塘感郎中夜度瀟湘

春怨二首

紗窓日落漸黃昏金屋無人見淚痕寂寞空庭春欲晚梨花滿地不開門



朝日殘鶯伴妾啼  
開簾只見草萋萋  
庭前時有東風入  
楊柳千條盡向西

夜月

更深月色半人家  
北斗闌干南斗斜  
今夜偏知春氣暖  
重氈新透綠窗紗

朱放

送溫台

渺渺天涯君去時  
浮雲流水自相隨  
人生一世長如客  
何必今朝是別離

皇甫曾

萼嶺四望

漢家仙仗在咸陽  
洛水東流出建章  
野老至今猶望幸  
離宮秋樹獨蒼蒼

韋使君宅海榴詠

淮陽卧理有清風  
朧月榴花帶雪紅  
閉閣寂寥常對此  
江湖心在數枝工

秦系

題明惠上人房

簷前朝暮雨添花  
八十吳僧飯熟麻  
入定幾時還出定  
不知巢燕污袈裟



山中贈耿滯拾遺

數片荷衣不滿身  
青山百鳥豈知貧  
如今不是秦時  
世更隱桃花亦咲人

嚴維

丹陽送韋參軍

丹陽郭裏送行舟  
一別心知兩地秋  
日晚江南望江  
北寒鴉飛盡水悠悠

李嘉祐

夜宴南陵留別

雪滿前庭月色閑  
主人留客未能還  
預愁明日相思

處匹馬千山與萬山

題前溪館

多年謫宦在江西  
舉目雲山要自迷  
今日始知風上  
異潯陽南去鷓鴣啼

過烏江公山寄錢員外

雨過青山猿叫時  
愁人淚滴石榴枝  
無端王事還相  
繫腸斷蕪葭君不知

郎士元

送麴司直

曙雪蒼蒼蕪曙雲  
朔風燕鴈不堪聞  
貧交此別無他



贈唯有青山遠送君

夜泊湘江

湘山木落洞庭波湘水連雲秋鴈多寂寞舟中人借  
問月明只自聽漁歌

聽隣家吹笙

鳳吹聲如隔彩霞不知墻外是誰家重門深鎖無尋  
處唯有碧桃千樹花

劉云只是聽隣家吹笙聞其聲不見其人求其不得其所一段風景極難形容此詩情思句律極其工巧

栢林寺南望

溪上遙聞精舍鐘泊舟微逕度深松青山霽後雲猶

在畫嶺東南四五峰

送別

穆陵關上秋雲起安陸城邊遠行子薄暮寒蟬三兩  
聲回望故鄉千萬里

司空曙

送鄭錫

曙魯事此公季父

漢陽雲樹情無極蜀國風烟思不堪莫怪別君偏有  
淚十年魯事晉征南

江村即事

罷釣歸來不繫船江村月落正堪眠縱然一夜風吹



去只在蘆花淺水邊

登峴亭

峴山回首望秦關  
南向荊州幾日還  
今日登臨唯有淚  
不知風景在何山

峽口送友

峽口花飛欲盡春  
天涯去住淚沾巾  
來時萬里同為客  
今日翻成送故人

送盧徹之太原謁馬尚書

榆落鷗飛關塞秋  
黃雲盡角見并州  
翩翩羽騎雙旌後  
上客親隨郭細侯

發渝州却寄韋判官

紅燭津亭夜見君  
繁絃急管兩紛紛  
平明分手空江遠  
唯有猿聲滿水雲

李端

長信宮

金壺漏盡禁門開  
飛燕昭陽侍寢迴  
隨分獨眠秋殿裏  
遙聞語笑自天來

閨情

月落星稀天欲明  
孤燈未滅夢難成  
披衣更向門前望  
不忿朝來鵲喜聲



江上送客

故人南去漢江陰  
秋雨瀟瀟夢澤深  
江上見人應下淚  
由來遠客易傷心

送劉侍郎

幾人同入謝宣城  
未及酬恩隔死生  
唯有夜猿知客恨  
嶧陽溪路第三聲

耿滯

古意

雖言千騎上頭居  
一世生離恨有餘  
葉下綺窓銀燭冷  
含啼自草錦中書

涼州詞

國使翩翩旆旌隴  
西岐路足荒城  
氍毹裘牧馬胡雛  
小日暮蕃歌三兩聲

路傍墓

石馬雙雙當古樹  
不知何代公侯墓  
墓前靡靡春草深  
唯有行人看碑路

崔峒

題蘭若

絕頂茅庵老此生  
寒雲孤木伴經行  
世人那得知幽逕  
遙向青峰禮磬聲



張繼

楓橋夜泊

月落烏啼霜滿天江楓漁火對愁眠  
姑蘇城外寒山寺夜半鐘聲到客船

閭門即事

畊夫召募逐樓船春草青青萬頃田  
試上吳門看郡郭清明幾處有新烟

顧況

桃花曲

魏帝宮人舞鳳樓隋家天子泛龍舟  
君王夜醉春眠

晏不覺桃花逐水流

宮詞

玉樓天半起笙歌風送宮嬪笑語和  
月殿影開聞夜漏水晶簾捲近秋河

聽角思歸

故園黃葉滿青苔夢後城頭曉角哀  
此夜斷腸人不見起行殘月影徘徊

宿昭應

武帝祈靈太一壇新豐樹色繞千官  
那知今夜長生殿獨閉空山月影寒



題葉道士山房

水邊楊柳赤欄橋洞裏神仙碧玉簫近得麻姑書信  
否潯陽江上不通潮

王郎中席歌妓

柳拂青樓花滿衣能歌死轉世應稀空中幾處聞清  
響欲遶行雲不遣飛

湖中

青草湖邊日色低黃茅嶂裏鷓鴣啼丈夫飄蕩今如  
此一曲長歌楚水西

江上故居

家在雙峰蘭若邊一敲秋磬發孤烟山連極浦鳥飛  
盡月上青林人未眠

江村亂後

江村日暮尋遺老江水東流橫浩浩竹裏閑窓不見  
人門前舊路生青草

憶故園

惆悵多山人復稀杜鵑啼處淚沾衣故園此去千餘  
里春夢猶能夜夜歸

戎昱

塞下曲



漢將歸來虜塞空旌旂初下玉關東高蹄戰馬三千  
匹落日平原秋草中

采蓮曲

洛陽女兒花滿頭毵毵同泛木蘭舟秋風日暮南湖  
裏爭唱菱歌不肯休

旅次寄湖南張郎中

寒江近戶漫流聲竹影當窓亂月明歸夢不知湖水  
濶夜來還到洛陽城

移家別湖上亭

好是春風湖上亭柳條藤葛繫離情黃鸝久住渾相

識欲別頻啼四五聲

征人歸鄉

三月江城柳絮飛五年留客送人歸故將別淚和鄉  
淚今日闌干濕汝衣

寄許鍊師

掃石焚香禮碧空露華偏濕蕊珠宮如何說得天壇  
上萬里無雲月正中

長孫翺

宮詞

一道甘泉接御溝上皇行處不曾秋誰言水是无情



物也到宮前咽不流

衛象

古詞

鵲血調兮濕未乾  
鷓鴣新淬劍光寒  
遼東老將髮成雪  
猶向旄頭夜夜看

柳談

涼州曲

關山萬里遠  
征人一望關  
山淚滿巾  
青海城頭空  
有月黃沙磧  
裏本無春

宋濟

東隣美女歌

花暖江城斜日陰  
鷓鴣啼綉戶曉雲深  
春風不道珠簾隔  
傳得歌聲與客心

楊憑

雨中怨秋

辭家遠客暢秋風  
千里寒雲與斷蓬  
日暮隔山投古寺  
鐘聲何處雨濛濛

長孫佐輔

別友人

愁多不忍醒時別  
想極還尋靜處行  
誰遣同衾又分



手不如行路本無情

詠河邊枯樹

野火燒枝水洗根數圍枯樹半心存應是無機承雨露却將春色寄苔痕

尋山家

獨訪山家歇還涉茅屋斜連隔松葉主人聞語未開

門繞籬野菜飛黃蝶茗溪漁隱云余嘗居林落間食

待之眼前景物悉如詩中語然後知其工也

劉商

觀獵

日隱寒山獵未歸鳴絃落羽雪霏霏梁園射盡南飛鴈淮楚人驚陽鳥稀

白沙宿寶常宅觀妓

揚子澄江映晚霞柳條垂岸一千家主人留客江邊宿十月繁霜見杏花

題潘師房英華作于鵠詩

渡水傍山尋絕壁白雲飛處洞門開仙人來往行無跡石迳春風長綠苔

送王使君自楚移越

露冕行春向若耶野人懷惠欲移家東風二月淮陰



道惟見棠梨一樹花

送豆盧郎赴海陵

烟波極目已沾襟  
路出東塘水更深  
看取海頭秋草色  
恰如江上別離心

合溪送王永歸東郭

君去春山誰共遊  
鳥啼花落水空流  
如今送別臨溪水  
他日相思來水頭

送清上人往湖南

閑出東林日影斜  
稻苗深淺映袈裟  
船到南湖風浪靜  
可憐秋水照蓮花

醉後

春月秋風老此身  
一瓢長醉任家貧  
醒來還愛浮萍草  
漂寄官河不屬人

送別一首

灞岸青門有弊廬  
昨來聞道半丘墟  
陌頭空送長安使  
舊里無人可寄書

于鵠

襄陽寒食寄宇文藉

烟水初銷見萬家  
東風吹柳萬條斜  
大堤欲上誰相伴  
馬踏春泥半是花



秋夕

獲霜雲映月朦朧烏鵲爭飛井上桐夜半酒醒人不  
覺滿池荷葉動秋風

泛舟入後溪一作詩

雨餘芳草淨沙塵水綠沙平一帶春惟有啼鶻似留  
客槎花深處更無人

題美人

秦女窺人不解羞攀花趁蝶出墻頭胸前空帶宜男  
草嫁得蕭郎愛遠游

戴叔倫

蘄州行營作

蘄水城西向北看槎花落盡柳花殘朱旂半卷山川  
小白馬連嘶草樹寒

湘南即事

盧橘花開楓葉衰出門何處望京師沅湘日夜東流  
去不為愁人住少時

宿灌陽灘

十月江邊蘆葉飛灌陽灘冷上舟遲今朝未遇高風  
便還與沙鷗宿水湄

夜發袁江寄李穎川劉侍郎



半夜回舟入楚鄉，月明山水共蒼蒼。孤猿更叫秋風裏，不是愁人亦斷腸。

贈商亮

日日河邊見水流，傷春未已復悲秋。山中舊宅無人住，來往風塵共白頭。

對月答元明府

山下孤城月上遲，相留一醉本無期。明年此夕遊何處，縱有清光知對誰。

別張負外

木葉紛紛湘水濱，此中何事往頻頻。臨風自笑歸時

晚更送浮雲逐故人

送呂少府

共醉流芳獨歸去，故園高士日相親。深山古路無楊柳，折取桐花寄遠人。

德宗皇帝

九日

禁苑秋來爽氣多，昆明風動起滄波。中流簫鼓誠堪賞，詎假橫汾發棹歌。

包何

寄楊侍御



一官何幸得同時十載無媒獨見遺今日不論腰下  
組請君看取髮邊絲

七言絕句卷之五

唐詩品彙五十



